

福建府縣志輯

中國地方志集成

民國尤溪縣志
民國大田縣志
民國建寧縣志

尤溪縣志總目錄

卷之首

新修尤溪縣志序

凡例

纂修姓氏

歷修姓氏

舊序

圖考

卷之二

建置沿革

尤溪縣志

卷之首

總目錄

一

疆域

山川

戶口

田賦

卷之三

城池

關隘

津梁

古蹟

公署

學校上

卷之四

學校下

祀典

祠廟

卷之五

兵制

武功

鋪遞

鹽法

尤溪縣志

卷之首

總目錄

二

錫政

職官

選舉上

卷之六

選舉下

封蔭

卷之七

政績

人物

列女上

卷之八

列女下

隱逸

塚墓

寺觀

風俗

物產

祥異

雜識

卷之九

尤溪縣志

卷之首

總目錄

三

文藝上文類

卷之十

文藝下詩類

補遺

尤溪縣志卷之首

目錄

新修尤溪縣志序

凡例

纂修姓氏

歷修姓氏

嘉靖丁亥修志序

又序

嘉靖乙卯修志序

萬曆庚戌修志序

尤溪縣志

卷之首

目錄

四

崇禎丙子修志序

又序

又序

又序

康熙辛卯修志序

又序

又序

乾隆丙申修志序

又序

又序

李文宸

田頊

錢貞

黃如松

鄧一鶚

趙璧

田振先

蔣堯勳

劉宗樞

黃翼蕙

劉鴻畧

焦長發

王家奮

郭燮

又序

又序

道光辛卯修志序

又序

又序

又序

地輿全圖

城池圖

衙署圖

萬壽宮圖

尤溪縣志 卷之首

目錄

五

張培機

林玉屏

章復旦

金 湍

蔡鍾銘

朱駿聲

公山圖

文山圖

開山書院圖

天后宮圖

文昌閣圖

南溪書院圖

武廟圖

文廟圖

重修尤溪縣志序

縣之有志猶國之有史自秦始皇分天下之國爲郡縣掌故者莫不
記屬內之政教風俗與夫丁口息耗人文盛衰土宜燥濕之分地輿
險要之設以備輶軒下採而彙於王朝昔漢高入關先收圖籍以處
置天下事海宇大定此志之所以足重也尤爲古巖邑林谷之深幽
崗嶺之聳翠川流之滌澗至唐始入版圖亦越南宋精華所洩爲生
大賢四鄉八里中家富詩書人知禮樂習尙爲之一變上而瀛洛關
閩之統亦藉以綿延弗絕蒸蒸乎誠閩中闕里也然而鏡前人以考
得失跡往事以決從違常於志乎徵之遐考尤之縣志創於前代宋
慶曆間其中所載山川田土下至節義選舉中述吏治民隱以及戶

尤溪縣志 卷之首 新序

六

口版圖分門別類罔不搜舉靡遺自時厥後代有增修至明嘉靖十
五年析境地三分之一爲大田縣轄土田分而城廓如故戶口減而
政治依然田公秬山所訂舊志考之綦詳延及明末清初治亂相尋
人民失所書缺有間獻久無徵所幸一修於瀉水再修於恒陽或四
五十年或六七十未遠其流風餘韻猶有存者獨怪道光迄
今百年之久未加修輯其間興廢繼絕因革損益制度變更災祥呈
異之事不知凡幾矧自民國締造兵燹之後繼以荒災困苦之中更
罹水患生命財產之不保遑問於縣志哉興邦綰握軍符系懷桑梓
孔廟朱子祠爲文獻所自出敬禮興修毋敢忽餘則如道路津梁樓
亭古蹟莫不漸次修舉至縣志爲一方之文獻徵之梓紳父老以年

湮代遠恍惚不能詳及今不正以前之誤將無有知其非者矣及今不增以後之事將無有知其實者矣夫職方載簡識強弱之民情太史陳詩知貞淫之風俗自古已然於今尤亟爰延邑中耆彥分任採訪纂輯缺者補之畧者詳之去其浮華按之翔實使千百載之聲名文物瞭然於心目之間小則資考證可以動箇人之觀感大則昭勸懲可以端地方之風化或未必無小補云

中華民國十六年歲在丁卯季春

閩北各屬綏靖委員
國民革命軍第一獨立師師長
福建省政府委員
里人盧興邦識

尤溪縣志

卷之首

新序

七

重修尤溪縣志序

昔人稱作史貴三長必才學識兼而後稱良史於修志亦然蓋史所述者上下古今天下之事志所述者一郡一邑之事志卽周官外史所掌與大小史相表裏者也志不修則事遠而聞見易至遺忘代遠而蒐羅每多放失志之不易修也如此然以其修之不易而並置之不修則惑矣吾尤縣志自鴻水恆陽擴而整之金章諸公復沿故例續完其書迄今忽忽九十年間文物聲明幾淪諸波渺煙銷之厄且縣署藏本如碩果僅存則溯活水之源流考文山之脈絡不絕者幾如棧師長光國盧公駐節劍津綏靖閩北取近歲所倡修之縣志十卷加之釐正捐俸以付手民余取而讀之舉凡一邑之疆域規制風

尤溪縣志

卷之首

新序

八

土謠俗畸人逸士官績閭閻似及一名一物一草一木之微皆悉心商確大要不遺以則信今而傳後余何幸於首先克復延城而得與千古文獻之役也斯志亦何幸於巨浸兵燹之後而得遇扶翼斯文不專以馬上治也其或在天徽國之靈默佑歟抑文章鬱久必發以待傑出者歟而余因是重有感焉法窮則變神明在人善者因之紛考定之亡者舉之考闕訂殘移風易俗賢守令事也筆削司權掌故可考將使後之觀感者益見聞而趨軌度士大夫事也清季之後重以鼎革其間可傳可述可歌可泣之軼事不知凡幾及今不修更遲之又久故老凋零遺編銷滅則其散逸莫稽又不知如何矣後之人雖欲訪升降沿革之由政治風俗得失汗隆之故果何所據以爲考

鏡之資也哉是則有心於茲役者倘乎遠矣

民國十六年歲在丁卯三月

國民革命軍第一獨立師第一旅旅長 里人盧興明序於延平軍次

尤溪縣志 卷之首

新序

九

重修尤溪縣志序

余幼讀史見昔之豪傑有學萬人敵者心竊慕之非不知文獻爲致治之原清季以還藉軍閥以魚肉黎庶者比比皆是而吾瘠弱之閩尤難堪投筆奮然起從師座光國盧公談天下事蓋欲以武功開文治之基也歲丙寅師座應時指揮部伍斯除閩中軍閥余承命由樟湖坂轉戰水口下省垣所向皆克見夫山川水利風俗民情人才物產其間險易厚薄盛衰消長無一不與軍事互相維繫知又不僅爲徵文考獻者所必講也志者所以詳山川水利風俗民情人才物產者也以省志與郡志較郡志之爲詳以郡志與邑志較邑之志又爲詳是邑志尤重吾邑志乘編自田公秬山千載而下知自有宋篤生

尤溪縣志

卷之首

新序

十

子朱子以後家詩書而戶禮樂自爲閩中闕里而其先有衛城池昭戰績名將盧琬者耿耿精忠血食百世同爲景仰不置厥後劉志焦志互相發明至金章承乏代有增修獨道光迄今數十年縣志藏本如靈光殿如廣陵散千鈞一髮之繫一厄於浸災再殘兵燹則所謂山川水利之如何險易風俗民情之如何厚薄人才之如何由盛而衰物產之如何或消或長與夫魁人傑士名宦淑女散見四鄉八里中者均莫能臚列以資考鏡則雖碩果足珍終爲已陳之芻狗矣師座於軍書旁午之餘延邑中耆碩仍舊例增修搜軼事於故家訪舊聞於遺老收瑣談於稗史窮勝迹於巖窟謬者糾之複者刪之罅漏者補之母濫毋苛務求其當識大識小各竭其才余樂觀其成幸得

以充文獻之智識並得以悟軍略之機籌如謂欲以文梓之材夏鼎之羽而故矜其奇特也則又淺之乎視志乘矣

民國十六年丁卯孟夏
國民革命軍第一獨立師第二旅旅長 盧興榮謹序

尤溪縣志

卷之首

新序

十一

重修尤溪縣志序

漢修秦圖籍而天下治是圖籍實載天下山川土地之寥闊人民戶口之蕃庶與夫險要之阨塞土田物產之豐絀以及古今人才之盛衰有國者當於此覘消息焉若夫邑之有志凡以志一邑之疆域丁賦興廢沿革與歷代貞烈孝友節義而勒成編次以備他日輶軒下採而資後人考鏡此邑乘與圖籍並重亦卽禹貢考紀山川職方比較男女之遺意也按尤志始於有宋由宋而明而清時代屢更增修將不免與草木同腐縱欲加功修輯其如質之不存文將焉附今師座盧公光國知文治之不可忽講武之餘卽拳拳縣志可謂知要矣

尤溪縣志

卷之首

新序

十二

癸亥歲公延洪紳清芳膺主纂之任開局興修時余方攝篆大田至乙丑承乏本邑受命督修未竣復遷任南平沙縣豈余無古今文字之緣而留此缺憾乎茲幸書已告成一爲披閱簡帙發凡證例記載無訛雖倉皇付梓採訪或未盡詳而綱舉目張尙可望後日之補遺以成鴻篇鉅製是則舉百年之盛典畧興修於一旦亦未始非先賢在天之靈而留茲掌故也余自慚迂拙狗尾未能續貂而聊綴蕪詞蛙鳴竊以附驥爰疏短引樂觀厥成

民國十六年丁卯季春

閩北各屬綏靖委員會公署參議
沙縣縣長 里人梁伯蔭謹識

重修尤溪縣志序

千古有不敝之河山亦斷無不易之時代第道有升降政有沿革地有廣狹不能無今昔之異此邑乘之所以修也吾尤當文化未開之前居然一蠻溪獠洞也自唐王審知開拓境土始隸版圖未聞有掌故縣志實始於宋慶歷年間接宋章齋先生尉允任滿假館溪南篤生朱子紹龜山豫章延平先生之真傳闡發六經奧旨開來繼往迄今家誦戶紉則文獻足徵矣宋以後翹漫難稽幾乎豕魚莫辨明和山先生以舊志蕪鄙不可讀獨任而刪訂之文不失之繁質不勝於野是非可否考覈甚詳誠一代之信史鑒考錢志至萬歷崇禎代有增修去古雖未甚遠而滄桑多變志亦漸改而漸失其真矣迨清康熙

尤溪縣志

卷之首

新序

十三

熙乾道間倘無有馮水恒陽章金諸公詳加考證則不免有殘缺之嫌今由民國而上溯道光志之不修九十餘年何遲之又久而不聞編纂乎大抵因清季國家多事兵燹之餘災祲屢告守土者方服役征徭之不遑何暇計及縣志哉卽有一二耆舊類多寒賸非督促興修誰復於此間嘔心血乎况舊志卷帙散失縣藏真本如碩果僅存長此不修恐此後斷簡殘編年久盡餘保無有玉牒不全累世莫究之悔茲幸吾鄉廬師座光國公職掌軍政繫懷桑梓於聖廟賢祠城垣譙樓驛路橋梁荒亭古蹟次第修舉於邑乘特加注重以採訪事分屬邑紳任洪君清芳以總纂如洪君良圖林君紹先梁君鳴清陳君昌鳳則並任爲協纂開局編修悉仍舊志三十二門按類增補記

載無訛不數載而書成更商定於郡之名進士鄭君翊周以期信今傳後上以備輅軒之採下以爲觀感之資廩特山川有色古蹟堪稽風俗政教之可考田賦物產學校人文之可徵卽累代之孝友忠信貞烈節義行且昭日月而長垂不朽矣傳經生長梓邦續述未能今閱其職要職詳勒成編次緒幸其知所先務而樂觀厥成也是爲序
中華民國十六年歲在丁卯季春

閩北各屬綏精委員公署諸議
尤溪縣 縣長 里人馬傳經謹識

尤溪縣志

卷之首

新序

十四

重修尤溪縣志序

予家於古沈非一世矣以釣以遊爰居爰處挹文公山之爽氣沐先賢哲之遺澤有若魚之相忘於江湖而不自知也及勝衣就傅稍聞鄉先輩語某水某山吾邑名勝某里某第先儒故居輒心嚮往焉既而披覽邑乘而考其圖表見其疆域之分合戶口之息耗城池關隘之險且固也文化之宏深物產之蕃殖與夫孝子貞婦畸人逸士下至一蠶一能者之衆也以今之所見證昔之所聞愈信吾邑治化其源遠矣孔子嘆杞宋之無徵以文獻之不足邑乘爲文獻所寄顧可忽哉吾邑志乘著於宋慶歷間宋咸其後代有增補故籍散佚祇劉志焦志存耳清道光十一年所修之志卽本焦劉二志而斟酌出之

尤溪縣志

卷之首

新序

十五

者也亦越咸同光宣迄八十年日久未修事無增紀年湮則採訪不易代遠則見聞異辭重以鼎革而還軍閥竊據兵燹所至戶口凋零而一邑之紀不且蕩爲灰燼乎民國六年省議會議決修各縣志吾邑人士亦奮然而起開局纂修泊十一年師長盧公移節縣治他務未遑卽令都人士續修邑志越五載而書成竊維吾邑爲考亭毓秀之鄉戶尙絃歌人習禮義食舊德而先疇者比比也而重巒疊嶂孕育深邃叢林密箐尤爲天然利源取之無盡故其士民大都懷土重遷其父兄惟以生聚教訓其子弟若弟爲務然窮變通久理本相因辛亥迄今民生日敝令繁賦重郵落爲墟時則師長盧公本恭敬桑梓之心爲抗拒軍閥之舉聯合民衆驅李驅周無役不從努力革命十

餘年如一日故他邑田賦有預征至二十年者而尤邑獨否則以吾邑民氣有不可侮者在也又豈徒以海濱鄉魯稱耶今者西學東漸新知日闢而編想天光雲影活水源頭則惟物惟心見仁見智其揆一也讀邑志者其亦知流風遺俗觀感有自也夫是爲序
中華民國十六年歲在丁卯季春

閩北各屬綏靖委員公署秘書長
南平縣縣長 洪鍾元謹識

尤溪縣志

卷之首

新序

十六

凡例

一 尤溪志始於宋慶歷間宋咸著厥後歷有增修但典籍遺失遠不可稽所存者祇有劉志焦志二部是集以通志爲定例以焦志爲標準參之以劉志新採者增之遺缺者補之今廢附之參互考訂庶可傳信

一 焦志變易前志分爲二十四門原屬美備是集附星野於建置之末納形勝於山川古蹟之中列詩文於各門類之下改橋梁壇廟兵防名宦爲津梁祠廟兵法政績又於疆域田賦城池內分出鋪遞戶口關隘各另爲志增入祀典鹽法蠲政封蔭隱逸塚墓武功各志定爲三十二類遵通志例也

尤溪縣志 卷之首 凡例 十七

一 山川爲菁莪之氣所鍾大賢發祥之地必有靈奇子朱子誕生吾尤時野火焚燒現出文公二山前後對峙點畫畢肖是爲尤之名山而不與衆山等也劉志從流溯源首伏獅而次雙峯焦志由本及末首雙峯而次文山然皆於大賢誕降鍾靈之區未有表異茲集以文山公山弁於諸山之首以下則考其脈絡詳其原委循序列焉

一 前志戶口載於田賦之內誠以

盛世滋生日盛歸丁於地永不加賦故地丁畫一不另志戶口但民數最重無從考稽亦爲缺典嘉慶十八年奉 文編查保甲門牌歷年查報有丁口之數無丁口之賦

恩至渥也茲集分出丁口另爲一志以康熙五十二年以前勾丁細

數銀額載於戶口志各丁之下以丁口總數銀額載於田賦志之內欸目分清不致贅敘

一 田賦載歷年應收應用應解數目原以志國用之常經而學校書院各處公出不與焉舊志將公田附載田賦之末未免混淆茲集分載於學校書院各志之下將現管者逐一開載而舊志所載有其名而無其實者仍附載於各志之末以便稽查

一 題咏山川古蹟祠廟各詩文碑記舊志多列於藝文部內觀者既閱其景致事實又要另尋詩文不歸類則未免過煩茲以詩文分載於各志之下間有一二採訪來遲者另於藝文之末刊

尤溪縣志 卷之首 凡例 十八

刻續採一歟

一 劉志於職官各名之下加簡明看語有褒有貶焦志概爲刪之雖曰善善從長而薰蕕莫辨不足以垂訓戒茲仍照劉志將看語叙入俾後人知所法戒焉

一 選舉舊志首列進士茲集首登薦辟遵通志例也例職一歟原無入志焦志始行錄入有其舉之莫或廢也四鄉紛紛採寄未便刪改舊志拂逆輿情茲仍依焦志採入

一 人物必有實在功業建白於世德業文章堪爲表率孝友出於性成品行可爲師法者方可採入茲集不敢濫收恐滋物議一節孝已旌旆旌舊志漫無區別亦未詳載里居茲集自明以前

世遠無徵仍依舊志錄之 國朝以來坊旌者以請旌之年分爲次第扁旌者以官職之尊卑爲先後未旌者則照里居都分以次敘入

一通志典籍另爲一志尤邑名賢著作並無藏板徒有其名所以舊志祇以著述書目列於藝文之首今仍因之

一焦志以 鮑封任子載於選舉志內故將

制誥敘入藝文茲依通志另立封蔭一志則

誥文敘列封蔭志內不得仍入藝文

一藝文登其關於政治學術人品者而詩歌閒有一二咏物遊戲之作必取其尤雅者錄入至於無關體要與本邑無涉者創而

尤溪縣志 卷之首 凡例

十九

不錄

總修

閩北各屬綏靖委員 盧興邦 六都
國民革命軍第一獨立師師長 朱源里人
福建省政府委員

協修

沙縣縣長 里梁伯蔭 城內
尤溪縣長 馬傳經 城內
南平縣長 里洪鍾元 城內

南平縣長 里洪鍾元 城內
青印坊人

總纂

清延平府學光緒己酉科恩貢生 洪清芳 城內
青印坊人

協纂

清尤溪縣學增生 洪良圖 城內
興文坊人

尤溪縣志 卷之首 纂修姓氏

二十

清尤溪縣學監貢生 林紹先 城內
福昌坊人

清尤溪縣學附生 梁鳴清 城內
興賢坊人

清尤溪縣學優附生 陳昌鳳 城內
界平坊人

校正

清光緒甲辰科進士 鄭元楨 城內
南平縣人

採訪

張書卿 城內 丁丙 南城內 洪長庚 城內

詹宜猷 一都 鄭玉山 二都 陳上超 三都

陳冠瀛 四都 羅金揚 五都 張侯光 六都

張瑞先 七都 林春芳 八都 蕭瑞青 九都

吳駿聲 十都	羅景星 十一都	陳步隨 十二都
鄭穆良 十三都	蔡元謙 十四都	徐舉卿 十五都
楊紹波 十六都	陳樹勳 十七都	黃意登 十八都
黃為箴 十九都	蔣朝陽 二十都	張晶瑩 二十一都
紀鳴鳳 二十二都	陳建勳 二十三都	林日暄 二十四都
傅銘勳 二十五都	廖鍾聲 二十六都	謝學珍 二十七都
林含枝 二十八都	陳開廟 二十九都	林濟清 四十九都
陳學元 五十都		

校對

張志德 閩北各屬校培
委員公署茶議 陳大奎 高等小學
畢業 林雲程 縣師範講
習所畢業

尤溪縣志 卷之首 纂修姓氏 二十一

周洪琛 高等小學
校教員 吳獻珍 縣自治研
究所畢業

繪圖

張志學 福建大
學肄業

歷修姓氏

宋

慶歷間知縣宋 咸著

明

嘉靖六年丁亥

知縣李文袞修 邑人田頊
編輯序存

嘉靖三十四年乙卯

知縣錢 貞修 序
存

萬曆十七年己丑

知縣陸觀德修 無
考

尤溪縣志 卷之首 歷修姓氏 二十二

萬曆三十八年庚戌

知縣黃如松修 序
存

崇禎九年丙子

知縣鄧一壽修 序
存

國朝

康熙五十年辛卯

知縣劉宗樞修 序
存

乾隆四十一年丙申

知縣焦長發修

道光十一年辛卯

署理知縣章復旦新修
補授知縣金 濤續修

民國十六年丁卯

閩北各屬綏靖委員
國民革命軍第一獨立師師長
福建省政府委員
盧興邦修

縣長 梁伯蔭協修

縣長 馬傳經協修

縣長 洪鍾元協修

尤溪縣志 卷之首

歷修姓氏

二十三

尤溪縣志卷之首

舊序

嘉靖丁亥歲尤溪縣志序

李文亮

邑西北多大山歲產寇有司莫之論捕盜延為負嚴峒相嘯呼予隸
翰附注腰弓矢追胥林箐中始衰息廼違議吏事思補敝舉廢邑乘
亦以次爰及時方城築上官顯人過者涌沸日與接為構環人臣僕
之勞不殫於此矣胸臆糾結固無奇也庸聘田子纂次所欲論著既
閱月告成遂縱覽鏤梓退而謾言曰志一邑該括之林也鏡考古昔
章來今要之以備物垂軌為當不軌不物亡觀焉今觀茲志之凡其
地理之敷實建置之原始田賦之明則祠祀之正典人物之錄實選

尤溪縣志 卷之首

舊序

二十四

舉之遵制蓋其詳哉至若表官師昭美刺以口舌代褒貶不少假借
蓋其慎也詳則備物而不失之漏慎則垂軌而不失之濫不漏不濫
邑事稍可誦覽矣予執固用獨任實無他腸且若是多盤不昏作勞
懼耳目弗開人乘塗之卒駑下齷齪之歸也用是日兢兢砥名行不
敢一息懈期亡抵捍當世之罔取譬適斯志年與化徂心志頽弱聊
不知所稅駕矣諺曰萬人所指亡病而死言可嚴畏之甚也茲則萬
世指之不尤可嚴畏矣乎凜予不知所稅駕矣後之吏茲土者欽念
哉欽念哉

嘉靖丁亥歲尤溪縣志序

田 頊

邑志舊有鈔本蕪鄙不可讀迺承邑大夫之旨開與小靈黃子罔羅放失舊聞楊摧刪潤成七卷其義例大較則諸武功諸志爲獨傷擗昧寡識家無古圖史可攷證邑今昔被兵耄老故實無所於咨歲月既淺係心北上文多仍舊蕭根碾礫之未鋤汰可醜也後當詳輯更定焉洪筆瞻聞之士尙其或予正

尤溪縣志

卷之首

舊序

二十五

嘉靖乙卯歲尤溪縣志序

錢 貞

予謂志者紀行事以備考覈昭勸戒者也尤自唐開寶至明蓋數百年於茲山川毓秀賢哲挺生亦名邑也然蹂躪紆岐城郭遼曠難爲防守宏治嘉靖間再罹兵燹之禍民日益困瘁十五年始析三分之一爲大田縣治亦甚便之但戶口減而征徭如故土田去而糧稅猶存迄今將二十載地利鮮少逋負叢積信有如所謂蛟負黃土愈重愈踊者矣予自庚戌秋承乏茲土卽有志焉而未之逮也甲寅春事稍有緒始閱柅山公舊志志固作於嘉靖初年其大凡與今不同矣由是柅山公三邑博覽諸弟子員考究商確上原地理下及選舉中述吏蹟民隱其言疆理地產版籍戶口徵賦之際其事核而不誣其尤溪縣志

卷之首

舊序

二十六

言質而不鑿始益詳備余觀秦漢以還郡縣亦各有志大都載筆者逞其詞說居位者矜其賢能世家以譜牒爲榮閭閻以采錄爲幸若土田戶口賦役之法多諉諸簿書刀筆之司設弗省錄則是記者非所行者非所記是何以備考覈昭勸戒也雖勿志可也尤之志或可以免夫會余有撫州之報而石山歐陽公實始終其事云余故僭爲之序

萬曆庚戌尤溪縣志序

黃如松

延自道南以來彬彬乎海濱鄒魯尤爲其郡巖邑山川清發紫陽毓秀於斯親承延平之傳紹伊洛而溯洙泗迄今家傳戶誦者則文獻足徵已縣故有志修於田學憲業已五十年板近被燬余謬膺司牧猶及索殘編而閱之則見其輿地之廣與建置而俱宏也田賦之錯與官政而俱崇也選舉之衆與人物而俱茂也祀典之修與兵戎而俱備也洋洋乎古風哉第道有升降政由俗革不能無今昔之異焉稽自我明景泰暨嘉靖年間割邑之西南隅分隸爲永安又分隸爲大田田地戶口十存其七建署置輔因而少殺而物力漸訕賦役相仍能無不均之嘆乎則實宜歲也祀典寢湮兵戎漸玩詎能敦崇報

尤溪縣志

卷之首

舊序

二十七

之思而爲不虞之防乎則慮宜周也廼選舉今猶昔耳顧聯翩鵠起昔何其盛而鬱結未振今胡其然歸之地脉文山玉溪之照映如初歸之氣運毋論漳泉以大田之冠南宮標赤幟夫非尤故土之所挺出者乎則生斯斯者不能不中分責也豈第作人邁迹自身端有在焉何乃罪地運哉矧餘化猶在聞風興起故不獨里閭閭修獨行而著貞節代不乏人則雖仙釋方技亦自有不容湮沒者兼收焉可矣誠循紫陽之遺訓以紹延平之真傳將家詩書而戶禮樂彬彬乎鄒魯之餘風于茲再觀區區人文之盛特緒餘耳又惡足哆哉嗟嗟地以人重文與獻徵俟後追前此余所惓惓焉竊有志而未逮也適郡大夫倪公按守延津首問及縣志其欲爲尤垂憲者意甚殷已

邑師生發凡證例一稟受成芟繁取要用垂法誠且荷一言弁簡端以志其成而下吏亦獲附不朽矣是爲序

尤溪縣志

卷之首

舊序

二十八

崇禎丙子重修縣志序

鄧一鵠

邑之有志固以紀一邑之事而實非一邑之書蓋郡國史乘取材於茲者也但其中有質文詳畧則地之通僻政之整冗亦於焉徵分焉尤溪隸華於唐宋慶歷宋公始著有尤川志久湮弗傳嘉靖初田學憲公以李令之聘復舉而編輯之洵冥行之餘一炬也迨分析大田後而志亦漸改而漸失其真至萬歷庚戌重修則蕩然元氣之不存矣義意非次文理弗倫觀者病之余自壬申秋代置茲土卽嘆然有更創之念時方初試百務待新未遑也閱今年官與地習政以拙成竊念措之事者無一可以告新惟是此中之煙景風謠前微幽彥得之心目聆取者頗詳而令其缺焉不揚可乎於是遐稽故牒博採輿

尤溪縣志

卷之首

舊序

二十九

論以百堵簿書之暇操一日是非之權分門別類爲綱七而目因以附焉如志疆制則詳錯繡之履以思補救之因而非敢曰徵化於東漸西被也志山川則因流峙之常爲封溶之備而非敢曰領趣於山青樹綠也志官師而知澤不能以世斬民心不死之興黃猶賢於斷簡半湮之卓魯也志人物選舉而知人不能以地晦公山固分尼邱之派何必白泉不破荊州之荒也志賦役而何以恂恂於晏起志風俗而何以斷斷於風流志物產典禮亦不必於揆奇芝崇淫祀而珍錯捍禦固臚列也最後志之徵文則蟲吟唱總可暢發天機而何必競盛於刻鵠飛鳶也雖然文徵於獻志重以人邇者尤之巍科碩彥遠遜古昔故其雄編巨冊不少賢見余又以俗吏事編摩非疎則

泛以之考政而政未必可參以之徵史而史未必可採余不重負志乎猶可幸者地靈未歇遺化猶存但令生斯者譊然興於無待而吏斯者展也造於有成安知理學科名不踵美古昔而絮芳通都平則借人物以重官師而借域地以重紀載斯志之成其光我拙致也多矣如必曰若地若人必有所附而顯彼不習爲文不習爲吏者何敢擅焉是役也結歷一期草更三易襄厥成者則有邑紳趙子璧田子振先趙子玉成子矜田子璧輝而以潤飾之材督劂刷之集則孝廉蔣子堯勳余之獲免於戾蓋合衆美以就之也是宜紀歲月而表之

尤溪縣志

卷之首

舊序

三十

又序

趙璧

昔紫陽子守南康甫下車卽詢郡乘君子曰知務哉今邑侯鄧父母以湘灘名進士借寇吾邑業奏績爲天下最公餘多暇遂進邑之黔者頒者矜者缺者而詢之曰汝尤建置最古傑孕一代大儒以海濱鄒魯著洵東南名邑也顧乘可忽諸然向柅山田公所修者初則綜覈再則不免風璞相廬至萬歷庚戌愈修則愈失其真也第職要統厥觀於輿圖職詳幸厥考於外史猶可條疏而朗志焉及今編輯庶幾昭茲來許足徵於文獻者矣爾時頒者唯唯矜者將將缺者矜者劫撫輿論悉以備簡探而侯遂毅然自任畢期月之心力而告成焉是非不以人移也筆削若有神助也爲綱七而目因附可謂詳且麗

尤溪縣志

卷之首

舊序

三十一

矣然無寧茲也侯矢操若冰雪執持若堅壁其燭幽隱若白日行天而燃犀畢照故不惟邑乘一經釐正遂成信史行且直木天而簪筆蠅頭其潤飾皇猷而爲我明史書重多者奚啻吾尤之黔者頒者矜者缺者咸曰邀天之幸獲從新於我侯明明功也不佞璧受廩編左幸遊茲盛舉故不勝額手曰欽哉我侯洩紫陽篤生之鄉真知所先務可與之并傳不朽耳邑乘可攷後世必有然吾言者

又序

田振先

凡郡邑有志其來舊矣獨我沈溪之紀載簡帙散失自唐而下杳不可攷所得述而傳者惟是宋元諸逸事洎我明興以來文獻先是先大父督學公頃曾忝膺撰記之任繼而邑大夫之操觚治者亦代有人然而質文之際未免貽譏茲粵西鄧父母以名進士來令斯土自下車以來一意子惠元元釐奸剔弊未有遑日迨再考民醇政理始得乘公餘取而較閱之或據之故績或撫以新聞刪其訛而訂其謬彼行誼足錄者雖閭閻巖藪無不發之幽光文章足採者卽斷碣荒碑無不揚之華藻且有編摩序次復非井有條漪歟盛哉眞一時之寶錄齊代之信史也異日者天子采下邑之風試持此以貢俾山川

尤溪縣志

卷之首

舊序

三十二

物產之休嘉人文風俗之懋美得以上達於宸聰者伊誰之績歟昔夫子作春秋一筆削間耳其功遂與抑洪水躬吐握者並偉然則公之嘉惠我沈溪也豈專以吏治報最哉蓋公以史館宏才暫試牛刀行將入典秘書偕侍從諸臣纂修國乘以黼黻皇猷此特偶露一斑耳振先承命董書豈敢僭效哇鳴第嘗俯而讀之覺千百年鬱塞一旦聿開其不能已於嘖嘖者雖以志喜亦以志感也不然貂之不容以狗尾續也先豈不知之哉敬援筆以書其後